

# Siña bo yiu responsabilidad



Un traduccion y adaptacion di:

*"About teaching your  
child responsibility"*

*A scriptographic booklet  
by Channing L. Bete Co. Inc.*

Reproduci pa:



Tel.: 5824433

Co-financia pa:




## KICO KIER MEEN RESPONSABILIDAD?

Esaki kier meen trata semper di haci locual ta mihor y asumi responsabilidad pa bo decision y accionnan. Pa un mucha, responsabilidad ta inclui:

**HACI COS**  
riba su mes.

**TUMA BON DECISION**  
basa riba balornan manera honestidad y gentileza.

**ACEPTA E  
CONSECUENCIANAN**  
pa decision y accionnan.



*Ora un mucha ta crece, su responsabilidad  
tambe ta crece.*

## PAKICO MI MESTER SIÑA MI YIU RESPONSABILIDAD?

Pasobra desaroyando un sentido di responsabilidad,  
por yuda bo yiu pa ta exitoso den bida.  
Un yiu responsabel:

**TIN MAS CONFIANZA  
DEN SU MES**

Ora un mucha tin  
responsabilidad e ta sinti:

- Su mes capaz y balora.
- Cu e ta domina su bida.

**TA MAS FACIL PA ANDA  
CUN'E**

- E tin respet pa otro hende.
- Bo por confia riba dje y e ta dispuesto pa yuda ora tin mester.

**TA MIHOR PREPARA  
PA FUTURO**

E ta cla pa tuma reto nobo y  
responsabilidad mas grandi.

*Abo por yuda bo yiu  
bira mas responsabel!*





## UN MUCHA TIN HOPI RESPONSABILIDAD

**Pensa riba esaki.**

**Hopi biaha un mucha ta responsabel pa:**

### SIGUI REGLA

Mucha di tur edad mester scucha y obedece reglanan poni door di mayornan, maestronan y otro adulto.

### YUDA NA CAS

Hopi mucha ta responsabel pa tarea di cas, manera haci nan kamber limpi, laba co'i kibra, etc. Hasta mucha hopi chikito por siña duna un man.



### HACI HUISWERK

Un mucha cu ta bay scol mester haci huiswerk, traha proyecto y studia pa examen.


### CUIDA PERTENENCIA

Ora mucha ta crece, nan mester siña cuida y balora nan co'i hunga, buki, paña, etc.



## TRATA OTRO CU AMABILIDAD Y RESPET

Pa desaroya amistadnan sano un mucha mester siña respeta hende y nan diferencianan.




## FORMA PARTI DI COMUNIDAD

Nos tur tin responsabilidad concerniendo tur hende rond di nos, incluyendo e muchanan. Nan responsabilidad por encera:

- Participacion den club, den gruponan di deporte of actividadnan religioso.
- Cuido di e medio ambiente y siña usa recursonan den un forma sensato.

## TUMA DESICION SANO

Mucha desde tempran ta enfrenta presion di amigo pa usa alcohol, droga of pa tuma parti den actividad cu ta haci daño. Nan mester siña tuma decisionnan sano y nan mester tin e curashi pa actua segun e decisionnan aki.



***Yuda bo yiu anda cu responsabilidad  
ta bo responsabilidad!***

## EHEMPEL TA E MIHOR MAESTRO

**Tur dia bo ta siña bo yiu door di papia y haci.  
Haci bo best pa:**

### KEDA DEN BON SALUD

Mustra bo yiu cu pa keda den bon salud ta un responsabilidad di cada persona.

Percura pa bo:

- Nunca usa droga.
- Evita alcohol of bebe solamente modera.
- No huma.
- Mantene un dieta saludabel.
- Haci ehercicio regularmente (Consulta un profesional promer cu bo cuminza un programa di ehercicio).



### ACTUA SEGUN BO BALORNAN

Por ehempel pa muestra cu bo ta balora respet, trata otro, incluyendo bo yiu, cu respet.

### PAPIA RIBA BO RESPONSABILIDADNAN

Splica bo yiu bo tarea como mayor. Papia riba bo responsabilidad pa:

- Paga recibonanan.
- Atende cosnan di cas.
- Percura pa cuminda saludabel pa bo famia.
- Percura pa bo yiu ta for di peligro.



### ASUMI RESPONSABILIDAD PA BO FOUTNAN

Ora bo ta fout, admiti esaki. Papia riba con bo ta sinti ora bo haci un fout. Discuti con pa haci'e mihor.



### MUSTRA RIBA COMPORTACION RESPONSABEL

Por ehempel:

- Mira television cu bo yiu. Papia riba e responsabilidad di e personahenan.
- Lesa buki hunto. Laga bo yiu imagina kico lo pasa si un di e personahenan actua diferente. Laga bo yiu dicidi si e personahe ta actua responsabel of irresponsabel.

### HACI PREGUNTA

Motiva bo yiu pa pensa riba responsabilidad door di haci pregunta. Por ehempel:

- Kico lo pasa si bo no haci bo huiswerk?
- Kico lo pasa si mi no paga recibonan of si mi no bay supermercado?



***Corda, cu bo yiu ta siña door di sigui bo ehempel!***

## DUNA TAREA NA CAS

Splica bo yiu cu tur hende na cas tin su trabao pa haci y cada trabao ta mes importante.

### TENE UN REUNION DI FAMILIA

pa stipula e reglanan pa bo famia. Laga bo yiu tambe dicidi kico ta su responsabilidad.

Papia riba:

- Tarea pa cada miembro di famia.
- Responsabilidad di bo yiu pa obedece reglanan di ora di bay drumi, mira television, etc.



### TENE CUENTA CU EDAD DI BO YIU

ora bo dun'e responsabilidadnan. Hasta mucha chikito por yuda, pero no spera perfeccion. Duna bo yiu tarea cu e por haci. Dun'e suficiente tempo pa caba cu su tarea.

### MUSTRA BO YIU KICO BO KIER


na lugar di djis bis'e kico bo kier. Por ehempel, si bo kier pa e pone mesa na un cierto manera, haci'e hunto e promer biaha.

### OFRECE SOSTEN

y apoyo, pero no bay para haci e tareanan p'e. Evita zeurmento, no manda of menaza.

### USA RECORDATORIO SKIRBI

pa yuda bo yiu corda kico e tin di haci. Usa dibuho of simbolo pa mucha mas chikito. Pega lista y otro recordatorio na un lugar unda tur hende por mira nan.



### MOTIVA PA TRAHA HUNTO


ora e tareanan ta mas dificil. Por ehempel parti e cuido di bestia di cas entre tur hende na cas.

### ELOGIA BO YIU

pa su esfuerzonan. Fiha riba e bon trabao cu bo yiu ta haci y su boluntad pa yuda. Y corda pa bisa danki.

### DUNA RECOMPENSA

pa un trabao bon haci. Por ehempel bay come ijscream hunto, bay lama, etc. Pero no paga bo yiu pa e cumpli cu su deber.



*Segun bo yiu ta crece,  
bo por dun'e mas responsabilidad cu desafio.*

## SIÑA BO YIU CON PA TUMA BON DECISION

Siña tuma decision ta un parti importante di crecemento. Bo yiu por tin mester di bo ayudo!

### DUNA BO YIU UN METODO PA TUMA DECISION


Papia riba e pasonan necesario pa tuma un decision:

1. Describi e problema of situacion.
2. Pensa riba tur e pasonan cu bo por tuma.
3. Considera e posibel consecuencianan, bon of malo, pa cada paso.
4. Tuma bo decision.
5. Considera e resultadonan. Sea prepara pa purba un otro posibel solucion.

### PAPIA RIBA E CONSECUENCIANAN

Laga bo yiu sa cu su decisionnan tin consecuencia. Asumi responsabilidad pa bo pasonan por encera:

- Sea honesto ora bo tuma un mal decision. Gaña of trata di tapa bo accionnan solamente ta haci cosnan bira mas malo.
- Pidi disculpa, ora bo decision ta ofende otro hende.



## SIÑA BO YIU CON PA ACTUA ORA DI UN CONFLICTO

Por ehempel:

- Siña bo yiu asumi responsabilidad pa sentimento y pasonan door di usa “Ami”. Por ehempel: “Ami ta rabia, pasobra mi a lubida mi huiswerk.” No bisa: “Abo no a cordami, ta bo falta!”
- Motiva bo yiu pa usa abilidadnan pa por tuma decision, p'asina por soluciona conflicto na un manera pacifico. Corda bo yiu cu violencia ta haci tur hende dolor.



## PONE REGLANAN FIRME, PERO HUSTO

Reglanan cla ta yuda bo yiu tuma bon decision.

- Traha cu bo yiu pa yega na un acuerdo tocante reglanan, y kico mester pasa si no cumpli cu nan.
- Sea consecuente. Asina cu bo a stipula e reglanan, tenebo na nan.
- Elogia bon comportacion.
- Trata di no reacciona di mas ora bo yiu kibra un regla. Laga bo yiu purba atrobe.





## LAGA BO YIU ASUMI RESPONSABILIDAD

Dependiendo di e edad di bo yiu, stimul'e pa:

### SCOGE

Por ehempel:


- Laga un mucha chikito haci un escogencia simpel door di puntra: "Bo kier un apelsina of un bacoba awe?"
- Laga un mucha mas grandi scoge kico e kier bisti.



### CUIDA SU MES

Por ehempel, siña bo yiu pa ta responsabel pa:

- E cuida di su djente tur mainta y anochi.
- Ta limpi y nechí promer cu sali for di cas.




### HACI HUISWERK Y TRABAO DI CAS

Si bo yiu sa kico e tin cu haci no keda cord'e. Laga bo yiu siña di e consecucionan. Por ehempel, un mucha cu no ta haci su huiswerk probablemente por keda despues di scol pa caba cun'e.

### RESISTI PRESION DI CRUPO

Hunto, abo cu bo yiu por:


- Hunga diferente situacion unda ta pone presion (p.e. usa un situacion den cual ta pone presion riba bo yiu pa usa droga). Traha riba diferente forma pa bisa "no".
- Traha un lista di cosnan negativo cu por resulta di baha cabez pa presion di grupo.
- Scoge actividadnan sano. Laga bo yiu scoge un deporte, club of actividad cu e ta gusta.



### SIÑA CONTROLA IMPULSONAN

Hasta un mucha cu "sa mihor" por cay den tentacion pa evita responsabilidad of actua sin pensa. Yuda bo yiu controla e impulsanan aki:

- Reconoce su sentimentonan; p.e. puntr'e: "Algo a pasabo?"
- Cord'e pa considera e posibel resultadonan cu cuidao.
- Lag'e sa cu ta OK pa pidi ayudo.



*Bisa bo yiu cu bo ta orguyoso di su esfuerzonan.*

## LAGA BO YIU BIRA RESPONSABEL SEGUN E TA CRECE

Mientras bo yiu ta crece, e por  
haci mas.


### AUMENTA RESPONSABILIDADNAN GRADUALMENTE

No spera mas di locual bo yiu por.  
Por ehempel un mucha chikito  
mester di ayudo cu su trabao di  
cas. Un mucha mas grandi hopi  
biaha por traha su so, pero bo tin  
cu cord'e pa cuminza.



### PONE REGLANAN PA SEGURIDAD

Un mucha por kier mas  
responsabilidad cu e por  
maneha cu seguridad  
(p.e. keda cas su so of  
cana bin cas anochi).  
Splica bo yiu ora mester  
limita su actividad pa  
motibo di seguridad.



### MOTIVA BO YIU PA FIHA METANAN

Yuda bo yiu scoge metanan  
cu ta un desafio, pero  
alcansabel. Siñ'e con pa  
parti un tarea den stapnan  
mas chikito. Y corda pa  
dun'e hopi elogio.



PUES ...

## LANTA UN YIU RESPONSABEL!



### SIÑA

bo yiu pakico responsabilidad  
ta importante.





### DUNA

bo yiu su propio  
responsabilidadnan.



### YUDA

bo yiu pa tuma bon  
decision.



*Un di e regalonan mas grandi cu bo por duna  
bo yiu ta un sentido di responsabilidad.*